



Broj: JN-OP-133-~~7~~/2024

Datum: 05-06-2024

**PREDMET:** Pojašnjenje tenderske dokumentacije

U sjedištu Ugovornog organa dana 03.06.2024. godine, pod brojem protokola: JN-OP-133-14/2024, zaprimljen je Zahtjev za pojašnjenje tenderske dokumentacije, broj: JN-OP-133-6/2024 u postupku javne nabavke - Nabavka sanacije TS 110/x kV Zenica 1, dostavljen od strane privrednog subjekta Nexen., u kome se traži sljedeće pojašnjenje:

U TD ste propisali ugovornu kaznu od 0,1% dnevno. Članom 274. Zakona o obligacionim odnosima je definisano smanjenje ugovorne kazne u slučaju da je ona previsoka. Zakoni koji su na snazi u Republici Srpskoj, Federaciji Bosne i Hercegovine, te na nivou države Bosne i Hercegovine zateznu kamatu regulišu na način:

Prema Zakonu o zateznoj kamati („Sl. glasnik RS“, broj 61/18) - 0,03% dnevno.

Prema Zakonu o visini stope zatezne kamate („Sl. novine FBiH“ broj 18/20) – 0,03%/dnevno.

Prema Zakonu o izmjenama Zakona o postupku indirektnog oporezivanja (Sl. gl. BiH; broj 100/13) - 0,04 % dnevno.

Prema Zakonu o izmjenama i dopunama Zakona o poreskom postupku Republike Srpske („Sl. glasnik RS“, broj; 67/13) - 0,03 % dnevno.

U Rješenju Kancelarije za razmatranje žalbi Filijala Banja Luka broj: JN2-02-07-1- 928-6/20 od 27.05.2020. godine zauzet je stav: „Prema tome Ugovorni organ mora voditi računa da definiše ugovornu kaznu u visini u kojoj je propisana zakonska zatezna kamata, te mora postojati određeni reciprocitet ova dva davanja, odnosno približna vrijednost istih, što je u skladu sa dobrim poslovnim običajima i načelom savjesnosti i poštenja... “ O nepravilnosti ovakvog propisivanja Tenderske dokumentacije, govori i novija praksa Ureda za razmatranje žalbi Filijala Banja Luka je u Rješenju br. JN2-02-07-1-522-6/22 od 24.03.2022. godine, u kome je zauzet sledeći stav:

„Definišući ugovornu kaznu u iznosu od 1% za svaki dan kašnjenja izlazi izvan okvira postavljenih u Zakonu o zateznoj kamati RS te postupa u suprotnosti sa dobrim poslovnim običajima i načelom savjesnosti i jednakosti strana u postupku. Visina ugovorne kazna koju bi ponuđač platio ukoliko dođe do kašnjenja u isporuci mora da bude srazmjerna sa visinom zatezne kamate koju bi UO bio dužan da plati ukoliko kasni sa plaćanjem robe, usluga ili radova, čime se izjednačavaju i prava i obaveze sa jedne strane ponuđača a sa druge strane ugovornog organa.“ Stav po navedenom pitanju, u identičnoj pravnoj i činjeničnoj situaciji zauzet je i u Rješenju Ureda za razmatranje žalbi br. JN2-02-07-1-1191-6/22 od 02.06.2022. godine, a koji glasi: „Definišući ugovornu kaznu u iznosu od 0,5% za svaki dan kašnjenja izlazi izvan okvira postavljenih u Zakonu o zateznoj kamati RS te postupa u suprotnosti sa dobrim poslovnim običajima i načelom savjesnosti i jednakosti strana u postupku. Visina



ugovorne kazna koju bi ponuđač platio ukoliko dođe do kašnjenja u isporuci mora da bude srazmjerna sa visinom zatezne kamate koju bi UO bio dužan da plati ukoliko kasni sa plaćanjem robe, usluga ili radova, čime se izjednačavaju i prava i obaveze sa jedne strane ponuđača a sa druge strane ugovornog organa.

Dakle, mora da postoji reciprocitet davanja. Ovo pitanje je KRŽ obrazložio i zauzet stav po ovom pitanju, Rješenjem broj: JN2-02-07-1-928-6/20 od 27.05.2020. „Prema tome, Ugovorni organ mora voditi ra una da definiše ugovornu kaznu u visini u kojoj je propisana zakonska zatezna kamata, te mora postojati odre eni reciprocitet ova dva davanja, odnosno približna vrijednost istih, što je u skladu sa dobrim poslovnim običajima i na načelom savjesnosti i poštenja...“

Kako se u konkretnom radi o evidentnoj neusklađenosti postavljenih uslova su definisani suprotno Zakonima koji uređuju predmetnu oblast u pogledu visine kamate, molimo Vas da izvršite izmjenu Tenderske dokumentacije a kako bi se ista uskladila i bila jednoobrazna i usklađena sa relevantnim materijalnim propisima.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14 i 59/22) daje odgovor sa pojašnjenjem kako slijedi:

Ugovorni organ je tendersku dokumentaciju u postupku javne nabavke broj: JN-OP-133/2024 – Nabavka sanacije TS 110/x kV Zenica 1, u potpunosti pripremio u skladu sa Zakonom o javnim nabavkama („Službeni glasnik Bosne i Hercegovine“, br. 39/14 i 59/22), podzakonskim aktima koji uređuju oblast javnih nabavki u BiH, Zakonom o obligacionim odnosima u BiH i drugim relevantnim propisima u BiH. Shodno navedenom Ugovorni organ neće mijenjati tendersku dokumentaciju u dijelu koji se odnosi na ugovornu kaznu.

S poštovanjem,

Predsjednik Komisije za  
JN-OP-133/2024



Sadudin Ganić